



Na osnovu člana 132. stav (11) Zakona o prostornom uređenju i građenju USK – prečišćeni tekst («Službeni glasnik Unsko-sanskog kantona», broj: 12/13 , 3/16, 15/20, 10/22,23/23 i 07/24), člana 2. stav (1) Pravilnika o tehničkom pregledu građevina („Službeni glasnik Unsko-sanskog kantona“ broj: 26/22) a u vezi sa članom 119. Statuta Grada Cazina broj: 01/GV-04-2755/21 od 24.02.2021.godine, Gradonačelnik o b j a v l j u j e

## **J A V N I P O Z I V**

za podnošenje prijave za učešće u radu komisija za tehnički pregled građevina i zahvata iz nadležnosti Gradskog organa uprave na području Grada Cazin

### **I**

Pozivaju se zainteresirane stručne fizičke osobe da podnesu prijave za učešće u radu komisija za tehnički pregled građevina i zahvata u prostoru iz nadležnosti Gradskog organa uprave na području Grada Cazin za sljedeće stručne oblasti:

- arhitektonska
- građevinska
- elektrotehnička
- saobraćajna
- mašinska
- geodetska
- zaštita na radu i zaštita od požara i eksplozija
- zaštita okoliša

### **II**

Učešće u radu komisije za tehnički pregled građevina mogu ostvariti stručna lica koja ispunjavaju uslove iz člana 132. stav (2) Zakona o prostornom uređenju i građenju USK («Službeni glasnik Unsko-sanskog kantona», broj: 12/13, 3/16, 15/20,10/22 23/3, i 07/24), tj. da su diplomirani inženjeri odgovarajućih struka iz člana 1. ovog Javnog poziva, sa 5 (pet) godina radnog iskustva u struci i položenim stručnim ispitom.

### **III**

Uz pisanu prijavu, koja treba sadržavati podatke o kontakt adresi, broju telefona i e-mail adresi, kandidati su dužni dostaviti dokaze o ispunjavanju uslova iz tačke 2. ovog poziva, i to:

1. kratku biografiju sa listom referenci uz obaveznu naznaku uže oblasti za koju se stručno lice prijavljuje
2. ovjerena kopija diplome,
3. ovjerena kopija uvjerenja o položenom stručnom ispitu,
4. dokaz o radnom iskustvu u struci nakon sticanja diplome iz tačke II javnog poziva ( potvrde ili uvjerenja poslodavca ili poslodavaca kod kojih je stručna osoba radila ili radi koja moraju biti precizna i detaljna te sadržavati sve bitne elemente koji nedvosmisleno ukazuju na traženo radno iskustvo u struci tj.naziv radnog mjesta-na kojim poslovima je kandidat radio ili radi, zahtjevanu stručnu spremu, koliko dugo je obavljao navedene poslove, opis poslova, jasno preciziran period radnog angažovanja na radnim zadacima, dakle što više podataka koji će dokazati potrebno radno iskustvo u struci, ili uvjerenje Zavoda za PIO-listing uz obavezno dostavljanje potvrde koja razjašnjava šifre sa listinga. Radna knjižica, ugovor o radu, rješenja ili odluka o zasnivanju /prestanku radnog odnosa, neće se cijeniti,
5. potvrda o prebivalištu ili ovjerena kopija lične karte,
6. naziv banke i broj ličnog transakcijskog broja.

7. Ovjerenu izjavu kojom podnosilac prijave izjavljuje da će blagovremeno pisanim putem obavijestiti Službu za urbanizam, zaštitu okoliša i inspekcijske poslove Grada Cazina radi izuzeća u radu komisije, u slučaju da je u srodstvu sa investitorom građevine koja je predmet tehničkog pregleda ili ako je učestvovalo –la u postupku izdavanja lokacijske informacije, odnosno urbanističke saglasnosti i odobrenja za građenje, ili ako je učestvovao-la u izradi tehničke dokumentacije, reviziji glavnog ili izvedbenog projekta i nadzoru nad gradnjom, za građevinu koja je predmet tehničkog pregleda (primjerak izjave se nalazi na web stranici Grada Cazina).

#### IV

Doktori i magistri nauka iz oblasti za koju se prijavljuju dostavljaju rješenje o oslobađanju obveze polaganja stručnog ispita umjesto uvjerenja o položenom stručnom ispitu.

#### V

**Rok za podnošenje prijava je 15 (petnaest) dana od dana posljednje objave Javnog poziva.**

Pisane prijave sa dokazima iz tačke 3. ovog Javnog poziva, dostaviti u zatvorenoj koverti sa naznakom **«Prijava za učešće u radu komisija za tehnički pregled građevina i zahvata iz nadležnosti Gradskog organa uprave na području Grada Cazina –NE OTVARAJ»**, neposredno putem protokola Gradske uprave Cazin (prizemlje – šalter sala) ili putem pošte u preporučenoj pošiljci na adresu:

**„Grad Cazin, Trg Prvog Predsjednika Predsjedništva R BiH Alije Izetbegović 1, 77220 Cazin, Komisija za poslove procedure pregleda zaprimljenih prijava po Javnom pozivu za podnošenje prijava za učešće u radu komisija za tehnički pregled građevina i zahvata iz nadležnosti Gradskog organa uprave na području Grada Cazin“.**

#### VI

Javni poziv će biti objavljen u dnevnom listu „Oslobođenje“, oglasnoj ploči Jedinog gradskog organa uprave Grada Cazina i web stranici Grada Cazina.

Neblagovremene i nepotpune prijave neće se uzeti u razmatranje.

Dokumentacija predana uz prijave se ne vraća podnosiocu.

#### VII

Provjeru ispunjavanja uvjeta iz Javnog poziva, vrši stručna komisija koju imenuje Gradonačelnik, shodno odredbama člana 132. stav (12) Zakona o prostornom uređenju i građenju i člana 2. Pravilnika o tehničkom pregledu građevina.

#### VIII

Nakon komisijskog pregleda i obrade pristiglih prijava, a najkasnije u roku od 30 dana od dana zaključenja Javnog poziva, utvrđena lista osoba koje ispunjavaju uvjete za obavljanje poslova tehničkog pregleda građevina i zahvata, bit će istaknuta na oglasnoj ploči i web stranici Grada Cazina te će važiti dvije godine od dana utvrđivanja.

Broj: 01/GN- \_\_\_\_\_/24  
Cazin, 05.06.2024. godine

Obradivač:

Služba za urbanizam, zaštitu okoliša i inspekcijske poslove

GRADONAČELNIK  
mr. Nermin Ogršević

Dostavljeno:

1. Sredstva Javnog informisanja –dnevni list „Oslobođenje“
2. Oglasna ploča
3. Web stranica Grada Cazina
4. a/a